

Kommune Qeqertalik

aamma

Namminersorlutik Oqartussat akornanni

Majorianik ingerlatsineq pillugu

naammassisassanut isumaqatigiissut

2022-2024

Imai

1	Aallarniut.....	2
2	Tunuliaqutit.....	2
3	Siunertat	4
4	Anguniakkat	4
5	Naammassisassatut anguniakkat.....	5
6	Nalunaarusiortarneq.....	10
7	Sulisorisat.....	11
8	Aaqqissuussaaneq.....	12
9	Aningaasaqarneq	12
10	Ingerlatsinermut tapiissutit	13
11	Nakkutilliineq	15
12	Akerleriissutaasut, pisussaaffimmik sumiginnaaneq aamma kalerriisarneq.....	16
13	Atortuulerfia, piffissaq atuuffia, isumaqatigiinniaqqittarneq aamma atorunnaarsitsisarneq	17

1 Aallarniut

Namminersorlutik Oqartussanut isumagisassatut Kommune Qeqertalik suliassanik anguniagassanillu imminut pisussaaffilerfigisaanik isumaqatigiissut manna aalajangersaavoq. Tassunga Namminersorlutik Oqartussat ukiumoortumik ingerlatsinermut tapiissuteqartarput. Kommune Qeqertalik aamma Namminersorlutik Oqartussat akornanni suleqatigiinnermut isumaqatigiissut tunngaviuvoq, tassaassaarlu illua'tungeriinnut tamanut aqutsinissamut sakkussaq. Ilitsersuisarnermut piginnaanngorsarnermullu ilarisai pillugit Namminersorlutik Oqartussanit ingerlatsinermut tapiissutit akiliutiginissaannut tunngavigisatut kommunimi Majoriami imaluunniit tassunga atatillugu suliassanik isumagineqartussanik isumaqatigiissut imaqarpoq. Majoriamut aammalu Majoriami suliassanut toqqammavissanut, Namminersorlutik Oqartussat aamma kommunip/Majoriap akornanni sunniivigeqatigiiffinnut ataatsimut takussassaqarfittut, kiisalu suliassat **annertussutsinik tamanik ilanngussuisumik** nalunaaruteqartarnermut najoqqutassamik ilanngussat isumaqatigiissummi ilanngunneqarput.

Kommunimut tapiissutaasut aqutugalugit suliffeqarnermut tunngasortaanut aningaasartuutit kommunip akilissavai.

Ukiunut pingasunut, 1. januaari 2022-mit 31. decembari 2024-mut isumaqatigiissut atuuppoq.

2022-mut Majoriamut ingerlatsinermut tapiissutit aamma ilinniartut amerlassusissaat "Majoriamut tapiissutinik isumaqatigiissut 2022"-mi nassuiarneqarput.

2023-mut 2024-mullu Majoriamut ingerlatsinermut tapiissutit aamma ilinniartut amerlassusissaat "Majoriamut tapiissutinik isumaqatigiissut"-mi 2023-mut 2024-mullu isumaqatigiissutigineqarumaarput.

*2022-mi Majoriamut tapiissutit pillugit Kommune Qeqertalik aamma Namminersorlutik Oqartussat akornanni isumaqatigiissutitut 2023-mi Majoriamut tapiissutit pillugit Kommune Qeqertalik aamma Namminersorlutik Oqartussat akornanni isumaqatigiissummi aningaasat katillugit (7.589.762 kroner) minnerpaamik naligilinngippagit, 2023-mut isumaqatigiissummi matumani illua'tungeriit imminnut pisussaaffii atorunnaassapput. Tamanna aamma nassuiarneqarpoq uani *immikkoortoq 13 Atortuulerfia, piffissaq atuuffia, isumaqatigiinniaqqittarneq aamma atorunnaarsitsisarneq.**

*2022-mi Majoriamut tapiissutit pillugit Kommune Qeqertalik aamma Namminersorlutik Oqartussat akornanni isumaqatigiissutitut 2024-mi Majoriamut tapiissutit pillugit Kommune Qeqertalik aamma Namminersorlutik Oqartussat akornanni isumaqatigiissummi aningaasat katillugit (7.589.762 kroner) minnerpaamik naligilinngippagit, 2024-mut isumaqatigiissummi matumani illua'tungeriit imminnut pisussaaffii atorunnaassapput. Tamanna aamma nassuiarneqarpoq uani *immikkoortoq 13 Atortuulerfia, piffissaq atuuffia, isumaqatigiinniaqqittarneq aamma atorunnaarsitsisarneq.**

2 Tunuliaqutit

Suliffissanut, ilitsersuisarnermut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersoq naapertorlugu kommunimi illoqarfinni tamani Kommune Qeqertalik kommunalbestyrelse Suliffissanut, Ilitsersuinernut Pikkorissaqqinnernullu Qitiusumik ingerlatsivinnik pilersitsivoq. Ingerlatsiviit taakku taaguutigaa Majoriaq.

Majoriaq tassaavoq makkuninnga pingaarnertut suliaqarfiusutut aaqqissuussaaffiusutut ingerlatsivik:

- 1) Nuna tamakkerlugu akeqanngitsumik sullississallutik suliffeqarnerup ineriartortinneqarnissaanut, tamatumani aamma nukittorsassallugu sulisinnaasut piginnaasatigut ineriartornissaat, aamma nunap iluani sumiiffinnut assigiinngitsunut nikilertortarnikkut nuttarsinnaanissaat.
- 2) Sumiiffigisami, nunap immikkoortuani aamma nunami namminerimi ornigaqartuusumik suliffeqarfimmi iliuuserisamik suliaqartarnissaq. Inuutissarsiorfiit atorfiillu tamaasa iluini piviusunik atorfinitsinerit pilersinnissaat siunertaralugit suliffissarsiortut sulisartullu akornanni attaveqaasersuineq.
- 3) Suliffeqarfimmi atajuartumik suliffeqalernissaq anguniarlugu suliffissarsiortut tamakku suleqatigalugit suliffimmi qaffakkiartorfissanik ilitsersuisarnermik neqerooruteqarlunilu inunnt ataasiakkaanut iliuusissatut pilersaarusiornerit.
- 4) Suliffissarsiortut piginnaanngorsarnissaannut sulianut tunngasunik pikkorissartitsinerik innersuussisarnerit.
- 5) Ilinniagaqarnermik suliassaqarfiusumut qinnuteqartunik ilitsersuillunilu allaffissornikkut aqutsineq.
- 6) Meeqqat atuarianni klassini angajullerniittut ilitsersornissaat pillugit meeqqat atuariannik suleqateqarneq.
- 7) Suliffissarsiortut piginnaanngorsarnissaannut sulianut tunngasunik pikkorissartitsinerik innersuussisarnerit. Ilinniagaqalernissamut suliffeqalernissamulluunniit piareersimalernissamut piginnaanngorsaarnermik ingerlatanik Majoriaq suliaqartassanersoq kommunalbestyrelsip aalajangersinnaavaa.
- 8) Innuttaasunik suliffissarsiortunik sulisinnaasuseq aallavigalugu tulluarsaqatigiiaarineq. Suliani nalornissuteqarfiusumi Suliffissanut, ilitsersuisarnermut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersumi § 5, imm. 3 malillugu Suleqatigiinnissamik Aaqqissuussivimmi misissuisoqarnissamik innersuussisoqassaaq.
- 9) Killilimmik sulisinnaassuilinnut innuttaasunut piginnaanngorsaaqqinnernik allaffissornikkut aqutsillunilu ilitsersuisarneq, ilanngullugit piginnaanngorsaaqqinnermut pilersaarusiortarnerit.
- 10) Suliffissarsiorfittut nittartakkami, attuumassutilittullu databasini allani suliffissarsiortunik nalunaarsuisarnerit.

Tamakku saniatigut Majoriaq suliffeerunnermut piginaanngorsaaqqinnermullu ikiorsiissutunik aqutsisuuvoq, nuttarnersitsiniarluni aningaasaliissutaasartunik suliaqartarluni, kiisalu nunap avataaneersunik sulisussarsiortarnermut qinnuteqaatinik aqutsisuulluni.

Suliffeqarfimmik, ilinniagaqarnermik imaluunniit piginnaanngorsaarnermik ilitsersuinnermut tunngasutut kommunimut saaffiginninnerit Majoriakut pisarput. Tamanna "ataasiinnarmik saaffiginnittarfittut tunngavigisamik" taaguuteqarpoq, tassaavorlu Majoriamut tunngavigisaasoq, takuuk aaqqissuussineq pillugu § 8.

3 Siunertat

Majoriamut pingaarnertut siunertat tassaapput:

- Innuttaasuni ilinniarsimassutsip annertusisinnissaa
- Suliffissaaleqinerup annikinnerulersinnissaa
- Tamatigoortumik sulisartuni piginnaasat nukittorsarnissaat

Majorissanik pilersitsineq tassaavoq suliffeqarnerup annertusarnissaanut Naalakkersuisut periusissiaasa ilaat. Tamanna nunatsinni suliffeqarfimmik ataatsimoortitamik ataatsimik pilersitsinikkut pissaq, tamatumunnga tapersersuisunik piginnaasalinnik sunniuteqarluartunillu aqutsisoqarfinnik peqartillugu. Ingerlatsiviit “ataasiinnarmik saaffiginnittarfittut tunngavigisaaq” qularnaassavaat, taamaalillutik suliffissarsiortut, aamma inuusuttut suli ilinniagaqalinngitsut, imaluunniit suliffeqarfimmiilersimangitsut qanoq ingerlariaqqinnissaminnut pilersaarusiortusinnaassammata, aammalu piffissamut ungasinnerusumut suliffeqarfimmut qanoq isernissaannut, imaluunniit uteqqinnissaannut pilersaarusiortuqarlutik. Tamakku saniatigut innuttaasut piginnaanngorsagaanissaminnut neqeroorfigineqassapput.

4 Anguniakkat

Majoriamut pingaarnertut anguniagaq tassaavoq suliarisani suliassaqarfiit: suliffiit, ilitsersuinerit piginnaanngorsaanerillu akornanni sunniivigeqatigiinneq sapinngisamik pitsaanerpaamik atugaqarfigalugu suleriaatsinik assigiaartunik sunniuteqartunillu pilersitsinissaaq. Innuttaasup qitiusumik inissisimalersinnissaa, aamma suliffeqarfiusumut ilalersuuteqarnissaanut sapinngisamik pitsaanerpaamik ilitsersorneqarlunilu piginnaanngorsagaanissaa, kiisalu ikiorserneqarnissaa tamatuma isumannaassavaa.

Anguniakkat ilaat tassaapput:

- Suliassat akornanni ilitsersuineq ataqatigiissaarinerlu pitsanngorsarneqassapput. Suliffeqarfik, ilinniagaqarneq imaluunniit piginnaanngorsaaneq pillugit ilitsersorneqarnissamik qinnutiginnittup ilitsersuutit paasissutissallu nassaariniarneranut tamanna oqilisaassaaq.
- Immikkut ittunik piginnaasanik pisariaqartitsinermut tunngasunik inuusutissarsiorfimmik oqaloqateqartarneq pitsanngorsassaaq. Tassani piginnaanngorsaaneermik aamma/imaluunniit nangitamik ilinniagaqarnerit sapinngisamik siamasinnerpaasutut pisariaqartitsinermut tunngasuussapput.
- Ilinniakkami piginnaanilersitsisumik inuusuttut qinnuteqartut tiguneqartullu amerlanerulersinneqassapput. Tamanna aamma innuttaasunut suliffeqarfimmi atugassarisanik pitsanngorsaasussatut naatsorsuuteqarfiusunut sulisartooreersunut piginnaanngorsaaneermut tunngavoq. Ilitsersuisarnerup pitsaaneerusup nassatarisaanik ilinniagaqartuni taamaatitsisartut ikinnerulernissaat aamma tunngaviuvoq.

Sulisartuni piginnaasat pitsaaninngortinnissaannut tamanna aqutissiuissaaq, taamaalillutik innuttaasut amerlanerit ilinniagaqarsimasuullissammata/ilikkagaqartitaasimassammata, taamaalillunilu inuusutissarsiorfiup immikkut ittunik piginnaasanik piumasaqarnera annertunerusumik taperneqarsinnaassalluni.

Anguniagassat piviusunngortinniarlugit ilinniagaqarniarlutik qinnuteqartunik ataasiakkaanik tamanik ilinniakkamut piginnaalersitsisumut aamma/imaluunniit ilinniagaqalernissamut piareersaasumut ilaatigut ilitersuinertigut piareersaatitullu ingerlatatigut, imaluunniit FA-mi¹ piginnaangorsaasutut ingerlatsinikkut imaluunniit atuagarsornerunngitsumik piginnaangorsaaniikkut Majoriaq piginnaangorsaaniassaaq.

5 Naammassisassatut anguniakkat

Nunatsinni suliffeqarfimmi pingaarnertut anguniagaq tassaavoq nunami innuttaasut akornanni sapinngisamik annerpaamik suliffissaqarsinnaanissaaq. Inuusutissarsiorfimmi immikkut itturnik sulisartunik pisariaqartitaasunik sulisartuni piginnaassuseqarfiup inissisimaffiata takusassartaqarneratigut tamanna anguneqassaaq. Anguniakkat ilaat tassaapput:

- Inuusuttut 30-t inorlugit ukioqartut ilinniagaqarnissap tungaanut ilitersorneqassapput. Inuusuttut ilinniagaqaratilluunniit suliffeqanngitsut orniguffigalugit ilitersorneqassapput. Kalaallit Nunaanni Naatsorsueqqissaartarfik malillugu 2019-imi inuusuttuni 33 %-it ilinniakkamik ingerlataqaratilluunniit suliffeqartuunngillat.
- Suliffissarsiorlut siusinaartumik soraarnerussutisialinnut suliffeqarfimmut uteqqinniartunut suliffissarsiuussisarfik ingerlatanik aallartisaassaaq, paasisaqarniarlunilu ingerlatat piaarnerpaamik pisassapput, aammalu pisariaqartitsinerit malillugit.
- Sivisuumik suliffissarsiorlut 60 %-it piginnaangorsaaqqinnermik ingerlatamik aallartitaqassapput, piginnaangorsagaqqittullu tamarmik malittarineqartuassapput. Minnerpaamik qaammatit pingasukkaarlugit malittarinninnerit ingerlanneqartassapput.
- Ingerlariaqqinnissaminnik kissaateqarlutik saaffiginnittunut innuttaasunut ataasiakkaanut tamanut inummut tunngasunik pilersaarusiortoqartassaaq. Innuttaasumut iliuuseqarnissamik pilersaarusiornissaaq inatsisitigut pisussaaffiuvoq, peruserlu atornerqartussaaq suleriaasissatut nassuiaatini nassuiarneqarpoq.
- Sulisinnaasuseq aallavigalugu tulluarsaqatigiiaarineq eqqortoq isumannaarsimassaaq.
- Majoriap saaffigisaanut kommunalbestyrelse anguniagassanik suliaqassaaq. Majoriami ingerlatsiviit pillugit ukiumoortumik nassuiaatip nassiuinneranut atatillugu taakkununga Majoriaq nassuiaassaaq, takuuk kapitali 6.
- Ilinniartunut nutaanut aallartitsissutitut ingerlattakkamik ukiumut minnerpaamik ataatsimik Majoriaq suliaqartassaaq.

Suliffissaleqinerup annikillisinniarnanik anguniakkamik tikitsiniarluni suliamik isumaginninnermik pitsaanerpaamik kommunip isumaginnittarnissaa siunertarineqarpoq.

A. Majoriamit saaffigisat

¹ FA: Meeqqat atuarfianni Inaarutaasumik misilitsinneq.

- Suliffissarsiortunik sulisinnaasuseq aallavigalugu tulluarsaqatigiiaarineq 1 aamma 2-miittut tamarmik. Sulisinnaasuseq aallavigalugu tulluarsaqatigiiaarineq 3-miittut isumaginninnermut ingerlatsivimmit misissugarineqassaapput.
- Suliffissarsiortut tamarmik.
- Kalaallit Nunaanni avataanilu ilinniagaqarnissamut ilitersorneqarnissamik qinnutiginnittut tamarmik,² kiisalu suliffeqarfimmut tunngassutillit.
- Inuussutissarsiutinik ilinniartut ilinniarnertup aallartinnerani ilinniartut, aamma sungiusarnerup nalaaniittut.
- Meeqqat atuarfianni atuartut 16-it tikillugit ukiullit. Tamanna Meeqqat Atuarfiat suleqatigalugu pissaaq.
- Ilinniagaqalernerumut imaluunniit suliffeqarfimmiilernerumut piginnaanngorsagaanissamut qinnuteqartut.
- Innuttaasunut katsorsagaanissamik pisariaqartitsisunut, imaluunniit Majoriamit neqeroorutaasinnaasumut naleqqiullugu immikkut ittumik tapersersortarialiannut innuttaasoq kommunimi isumaginnittoqarfimmut innersuunneqassaaq. Tamatuma kingornatigut innuttaasunut eqimattunut taakkununga sapinngisamik pitsaanerpaatut suliarisassat pillugit isumaginnittoqarfillu suleqatigiissutigalugit aallartisarneqarsinnaapput³.

Innuttaasunik sulisinnaasuseq aallavigalugu tulluarsaqatigiiaarineq Majoriaq isumaginnissaaq, aamma tulluarsaqatigiiaarineq pillugu nalornisoqarfinni aamma/imaluunniit taakkununga oqartussaasoqarfiup sorliup akisussaaffiginerini suliassaq suleqatigiinnermut aqqissuussiviusumut, Majoriamit peqataaffigineqartumut, ajornanngippallu pisariaqartitsinerit malillugit meeqqat atuarfiannit aamma inunnik isumaginnittoqarfinnit peqataaffigineqartumut **innersuussutaasinnaavoq**. Suleqatigiinnermut aqqissuussiviup taamaalilluni Majoriami imaluunniit inunnik isumaginnittoqarfimmi attuumassuteqarnerpaatut suliassamik isumaginninnissamut innersuussinnaassavaa.

Suleqatigiinnermut aqqissuussivimmi Majoriamit, inunnik isumaginnittoqarfimmit, kiisalu meeqqat atuarfiannit sinniisunik peqataasoqassaaq, takuuk Suliffissanut, ilitersuisarnermut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersumi § 5, imm. 5.

B. Majoriami suliassat nassuiarneri

Inatsisinik najoqqutaqarluni suliassamik arlalinnik suliqaarnissaq kommunalbestyrelsip akisussaaffigaa. Naammassisassanut isumaqatigiissut manna tunngavigalugu suliassamik ataaniittunik isumaginninnissaminut kommunalbestyrelse akisussaaffeqarpoq:

² Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersortutik Oqartussat inatsisaat nr. 4, 29. november 2013-imeersoq, kingusinnerusukku allannguutit ilanngullugit, kap. 4, § 18

³ Innuttaasut FA-miittut aamma atuagarsornertaqanngitsumik ingerlassaniittut, kiisalu inuutissarsiutinik ilinniagaqartut pineqaraangata ilinniarnertuunngorniartut Siunnersuisarfiannut innersuussisoqassaaq.

I. Ilitersuineq

- Innuttaasunik ilitersugaanissamik qinnutiginnittunik akuerinnillunilu ikiuisarnissaq, ilitersuinermillu neqerooruteqartarnissaq, ilanngullugu qaffakkiartorfissanik ilitersuineq.
- Inuusuttut ilinniagaqarfittut aqqissuussaaffiit suliffeqarfiullu avataaniittut orniguffigalugit ilitersugarineri.
- Innuttaasunut ataasiakkaanut (tamatigoortumik) iliuusissatut pilersaarusiortoqassaaq. Iliuusissatut pilersaarutip aqqissuussivik tamakkerlugu innuttaasooq malittarissavaa, apeqqutaanatik suliaassanik isumaginnittoqarfittut aqutsisoqarfiit.
- Innuttaasut suliffissarsiortut misissugarineri, kiisalu suliffeqartut kivitsiviginissaminnik pisariaqartitsisut, soorlu sulianut tunngasutut pikkorissartitsinernut (Aningaasanut inatsimmit tunngaveqartunik, PKU, AMA allallu). Iliuusissatut pilersaarummut pikkorissartitsinerit ilaatitaassapput.
- Pikkorissartitsinernik neqerooruteqarnernut tunngatillugu inuusutissarsiutinik ilinniarfinnik qanimut oqaloqateqarneq.
- Sumiiffigisami, nunap immikkoortuani nunamilu namminerimi inuusutissarsiorfimmu orniguttartuullunilu qanimut attaveqartuuneq.
- Tulluartsuutut kommunalbestyrelsip isigissappagu ilitersuinerup ilai qitiusumut inississorneqarsinnaapput, taamaalillutik qitiusutut inissisimaffilittut ilitersuisartut sumiiffikkaani ilitersuisarnermik tapersersuisinnaassammata. Innuttaasut sapinngisamik pitsaanerpaamik ilitersorneqarnissaat qularnaarniarlugu taamaaliortoqassaaq. Ilitersuineq qarasaasiakkut internettimi pisinnaavoq, Skype assingusullu aqqutigalugit.

II. Tamatigoortumik ilinniagaqarnermut ilitersuineq, kiisalu inuusutissarsiutinik ilinniarfinni ilinniartunut immikkut ittunik ingerlataqarnerit

- Ilinniagaqarnermut ilitersuinerup isumagineri.
- Kalaallit Nunaanni ilinniakkanut qinnuteqarnissamut immersugassanik immersuineramik ikiorsiineq, aammalu ilanngussassatut pisariaqartitat tamarmik ilanngunneqarnissaannik isumaginninneq.
- Kalaallit Nunaanni ilinniakkanut qinnuteqaatit, kiisalu ilinniagaqarnerisutitut qinnuteqaatit tigoorarlugillu ingerlateqqinneri.
- Kalaallit Nunaanni inuusutissarsiutinut ilinniarfimmit neqeroorutaanngitsumik Danmarkimi inuusutissarsiutinut ilinniakkanut qinnuteqaatinik tigooraaneq. Tamanna annertunerpaamik Nuummumut atuuttuuvog.
- Ilinniakkami tiguneqarnissamut qinnuteqartunut inunnut tunngatillugu IT-reg.-imi nalunaarsuillunilu paasissutissanik katersuineq, takuuk nalunaaruteqartarneq pillugu immikkoortoq 6.
- Ilinniarneq sioqqullugu sungiusarnerullu nalaani inuusutissarsiutinik ilinniagaqartunut ilinniakkamut sungiusarnermullu ilitersuisarneq, ajornanngippat inuusutissarsiutinik ilinniarfinni.
- Ilinniartut pillugit oqaaseqaatit suliarineri.
- Inuusutissarsiutinut ilinniarfinnut inuusutissarsiutinik ilinniartunut aallartitsissutitut ingerlatanik naammassisaqartarneq.
- Sungiusartarfissanik suussusersillunilu taakkununga attaveqartitsisarnerit.

- Sungiusartarfittut akuerineqarnissaq pillugu qinnuteqaatit tiguneri ingerlateqqinnerilu.
- Ilinniartunut isumaqatigiissusiornerit. Ilinniartuq illoqarfigisami avataani sungiusarfissamik nassaarpat illoqarfigiligassap ilinniartumut isumaqatigiissutissaq suliarissavaa.
- Inuusutissarsitunut ilinniartinnut attaveqartarneq, illua'tungeriillu pingasut akornanni oqaloqateqartitsisarneq.
- Ajornangippat nunap immikkoortuani ilinniartinnut ingerlataqarnerit.

III. Piginnaanngorsarneq

- Piginnaanngorsaanernut atuagarsornertalinnut aamma atuagarsornertaqannngitsunut ingerlatanut, soorlu sannavinni sulinissamullu sungiusarnertut ingerlatatut ittuni innuttaasut suliffissarsiorlut misissuiffigalugillu ilitsersorneri.
- Inunnut ilinniagaqarnissamut piginnaanngorsaaviginissaminnik kissaateqartunut FA-mi ingerlatanik naammassisaqartitsinerit.
- Inuusuttunut suliffissaaleqisunut, allanullu suliffeqarfimmut imaluunniit ilinniagaqalernissamut piareersarneqartussat saaffigisanut paasissutissiinermik ingerlatanik naammassisaqarnerit.
- Majoriap suleqatigisaani højskolini tamakkunani højskolernissamut misissuinerit. Danmarkimi højskolinik attaveqatigiinnermik taakkunungalu tunngasunik tamanik Qaqortumi Majoriamiittoq Grønlands Center for danske højskoler - GCDH (Danmarkimi højskolinut Kalaallit Nunaanni Ingerlatsivik) isumaginnittuvoq.⁴

IV. Inuusuttut 18-it tikillugit ukiullit pillugit kommunimi atuarfeqarfimmik suleqateqarneq

- Piareersaanermik, aamma ikaarsaariarfimmi ilitsersuinerit naammassinerinik kommunimi atuarfeqarfimmik ikiuineq – pineqarlutik meeqqat atuarfiat, tunngaviummik atuarfiit namminersortut, efterskolit folkehøjskolillu, aamma ilinniagaqarfiit.
- Ilitsersuinerimut atugassanik atuartunut soraarummeertunut meeqqat atuarfianni suliarisatut iliuusissatut pilersaarutit assilinerinik, kiisalu atortussanik pisarialinnik allanik tigusaqarnerit, ilanngullugit atuartunut ataasiakkaanut taakkununga soraarummeernerimut uppernarsaatit, aamma karakterit.
- Inuusuttut immikkut ittumik ilitsersuinerimik iliuuseqarfigineqanngikkunik ilinniakkap imaluunniit suliffiup toqqarnissaanut, aallartinnissaanut imaluunniit naammassinissaanut ajornartorsiuteqartut imaluunniit ajornartorsiuteqartussat anguniagaqarfigisamik ilitsersugarinerinik isumaginninneq.
- Inuusuttunik meeqqat atuarfiannik imaluunniit assingusumik ilinniartitaanissamik pisussaaffigisamik ingerlatap naammassinerata kingornatigut ilinniakkamik imaluunniit suliffimmik aallartitaqarsimangitsunik, imaluunniit ilinniagaqarnermik ingerlatamik taamaatitaqarsimasunik orniguffiginnilluni ilitsersuineq.
- Inuusuttoq ilinniakkamik ingerlassaqassanngippat, imaluunniit suliffeqassappat, imaluunniit ilinniagaqarnermik ingerlatamik taamaatitaqarsimassappat inuusuttoq aamma angajoqqaatut oqartussaassusillit suleqatigalugit ilinniagaqarnissamut iliuusissatut pilersarusiorneq.

⁴ Isumaqatigiissuteqarfigisanut naleqqiullugit højskolini allani innuttaasunik højskolertitsisoqarnissaq kissaatigineqassappat naalakkersuisoqarfik isumasiorneqassaaq, aamma innuttaasup najugaqarnissaa pillugu Kalaallit Illuat ilisimatinneqassaaq.

- Inuusuttoq meeqqat atuarfiannit ilinniagaqarnissamut iliuusissamut pilersaaruteqassanngippat inuusuttup atuarfigisimasaanik suleqateqarluni iliuusissatut pilersaarusionerq qularnaarneqassaaq.
- Ilinniagaqarnissamut iliuusissamut pilersaarutip piviusunngortinnissaa, aamma anguniakkat nutaat imaluunniit iluarsaqqitat aalajangersarnissaat pillugit inuusuttumik 16-it inorlugit ukiulimmik aamma angajoqqaatut oqartussaasut oqaloqatigineqarnissaasa qulakkeernissaat.

V. Suliffissarsiuussineq

- Atorfinnik sunilluunniit suliffissarsiortunut suliffissarsiuussinermik suliffissanillu innersuussinernik isumaginnineq, kiisalu inuusutissarsiorfinnit tamanit sulisitsisunut sulisartunit innersuussisarnerit.
- Siullerpaamik suliffissarsiortunut tamanut ilitsersuiffittut oqaloqatigiinnissamut piffissaliineq, aamma tamatigoortumik iliuusissatut pilersaarusionerq.
- Innuttaasut suliffissarsiortut suliffissarsiorfittut nittartakkami databasinilu attuumassutilinni allani nalunaarsorlugillu neqerooruteqarfigineri.
- Suliaqalersitsinerik, piginnaangorsaaqqinnernik allanillu ilinniagaqalersitsinerit isumagineri.
- Siusinaartumik soraarnerussutisialinnut sivisuumillu suliffissarsiortunut ilitsersuinerik kaammattuinermillu ingerlatanik ingerlatsisarnerit.
- Suliffissarsiortut www.suli.gl-imi CV-liorneranni ikiorneri.
- Suliffissarsiortunik sulisinnaasuseq aallavigalugu tulluarsaatigiiarineq.
- Suliffeerunnermi ikiorsiissutisissatut suliffissarsiorallartut nalunaarsorneri (ingammik suliffissuarni sulisut angerlartitat assingusullu).
- Suliffissarsiortunut pikkorissartitsinerit (ilaatigut PKU, AMA allallu) aaqqissuussaralugillu peqataasinnaasunik misissuisarnerit.
- Innuttaasunut illoqarfimmut allamut suliffissarsisinnaaffimminnut nuunniartunut nuttarnerulersitsinerimut ikiorsiissutit pillugit qinnuteqaatinik tigooraasarneq.
- Suliffeerunnermi ikiorsiissutit aamma piginnaangorsaaqqinnissamut tapiissutit pillugit qinnuteqaatit suliassartaannik isumaginninnerit.
- Nunatta avataaneersunik sulisartunik sulisoqarnissat pillugit sulisitsisunit qinnuteqaatinik tigusinnittarnerit.
- Sumiiffiusumi, nunap immikkoortuani aamma nunami namminerimut inuusutissarsiorfimmut orniguffigisamik suliffeqarfimmi iliuuseqartarneq, kiisalu piviusutut atorfinitsitsinissanik siunnerfeqarluni sulisitsisup suliffissarsiortullu akornanni attaveqartitsinerit, kiisalu suliffimmi ilinniartunut sungiusartunullu inissaqarfissanik pilersitsinerit.

Pingaarnersiukkatut tullerriaakkat

Suliassanut nassuiarneqartunut kommunimi pingaarnersiukkatut tullerriaakkanik Majoriaq suliaqassaaq. Majoriap suliassanut sammisassanik pingaarnersiuinermik matuminnga Namminersorlutik Oqartussat innersuussipput:

1. Ilitsersuineq

2. Aaqqissuussiffiup avataani inuusuttut orniguffigalugit ilitserneri
3. Suliffissarsiuussineq
4. Piginnaangorsaaneq
5. Iliuusissatut pilersaarutit

6 Nalunaarusiortarneq

Ingerlatsinissamut tapiissutissatut aningaasaliissutaasunut naatsorsuutit peqatigalugit nassiunneqartussamik naammassisassatut isumaqatigiissutit piviusunngortinnera pillugu Majoriami ingerlatsivinnit ataasiakkaanit tamanit ukiumoortumik nalunaarusiaq kommunalbestyrelserip suliaralugulu Isumaginninnermut, Suliffeqarnermut Nunamullu Namminermet Naalackersuisoqarfimmu nassiuttassavaa.

Ukiup tulliani kingusinnerpaamik apriliip aallaqqaataani naammassisassatut isumaqatigiissutit piviusunngortinnera pillugu nassuiaat kommunalbestyrelserip nassiutissavaa. Ukiup ilivitsup siulianut qarasaasiakkut paasissutissanut aaqqissuussiffimmit IT-reg.-imit anillatsitat Majoriap kisitsisinik nalunaaruteqarnermini atussavai. Ingerlatsiviup pisussaaffigisaanik Majoriap piviusunngortinneranik nalilersuinissamik siunertaqarluni naammassisassatut isumaqatigiissummi aalajangiussatut naammassillugit anguniagassanut paasissutissat nalunaarutigisat assersuunneqassapput.

Qarasaasiakkut paasissutissanut aaqqissuussiffimmit IT-reg.-imit anillatsitat minnerpaamik iliuusissatut pilersaaruserisani, holdikkaatut ingerlatsisimasunik, aamma tulluusaqatigiiaasunit pingasunit tamanit allattuiffiit imarissavaat.

Siuliani ukioq ilivitsaq nalunaarusiap eqqartuiffigissavaa, aamma inuussutissarsiuutini ilinniartunut suliarisat, piginnaangorsaanerit, ilitseruinerit aamma suliffeqarfik imarissallugit. Nalunaarusiornermut najoqqutassiaq kakkiunneqartoq atorneqassaaq (Najoqqutassiaq: Naammassisassatut isumaqatigiissummut malitseqartitsineq).

Suli.gl-imi atuneq pillugu

Kalaallit Nunaanni atorfinnut inuttaligassanut ataatsimut isiginniffissiniarluni, aammalu suliffissarsiornermut atorfinnik innersuussiniarluni kommunalbestyrelserip suliffissarsiorfittut nittartagaq www.suli.gl atussavaa. Kommunalbestyrelserip tassanga atuinissamik ilitseruinissamut akisussaaffigisaanut nittartakkamut suliffissarsiornermut CV-ni inississavaa, aammalu suliffissarsiornermut nammineq isumagisinnaassanngippagu suliffissarsiornermut CV-anik kommunalbestyrelseri inissiissaaq.

Ilinniagarisap ilaatut suliffimmi ilinniarnermik imaluunniit sungiusarnermik ingerlatassamik ilaqtumi innut ilinniagassami tiguneqartussaasunut, aammalu Naalackersuisut suliffissarsiorfittut nittartagaani CV-mik immersuinissamut suliffimmi ilinniarfissamik imaluunniit sungiusarfissamik isumaqatigiissummik atsiugaqarsimanngitsunut Majoriaq ilitseruisinnaavoq, takuuk ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. 17, 27. november 2020-imeersoq.

Majoriap suliarisai pillugit Namminersorlutik Oqartussat, kiisalu Kalaallit Nunaanni Naatsorsueqqissaartarfik qaqugukkulluunniit IT-reg.-imik aamma suliffissarsiorfittut nittartagaq www.suli.gl ikiorsiullugit naatsorsueqqissaarutitut paasissutissanik pissarsiniartarsinnaapput, takuuk *Inatsisartut inatsisaat nr. 28 ulloq 9. december 2015 suliffissanut, ilitersuisarnernut pikkorissaqqinnernullu qitiusumik ingerlatsiviit pillugit*, kiisalu *Isumaginninnermut, Suliffeqarnermut Nunamullu Namminermut Naalakkersuisoqarfimmut Nalunaarsuinissamut Ileqqoreqqusaq*.

Ullut 14-it sinnerlugit suliffissarsiorfittut tamarmik www.suli.gl-imi CV-liussapput.

7 Sulisorisat

Majoriami suliarisassat isumaginissaannut Majoriami sulisorisat akornanni piginnaasanik sanarfiginnittuarnissaq annertusaajuarnissarlu kommunalbestyrelsip qulakkeersimajuassavaí.

Namminersorlutik Oqartussanit akiliutaasutut ingerlatsinissamut tapiissutit, takuuk *ingerlatsinissamut tapiissutit pillugit kapitali*, taamaallaat inuussutissarsiutinik ilinniarnermik ilitersuisartutut ilinniartitsisartutullu sulisorisanut, kiisalu ingerlatsiviup pisortaanut aningaasarsiaqartitsinnermut atorneqassapput. Taakkunungalu atasutut ilaapput suliarisanut, soorlu ilinniarnermut suleqatigiinnermullu atatillugit angalanerit, pikkorissartitsinnermut atortussat aamma ilinniartitsinnermut atortussat. Attuumassutilittut amerlassusilinnik ingerlatsivinnut pisortat saniatigut suliamut tunngasumik pisortamik (fagchefimik) atorfinitsitsinissani kommunalbestyrelsip kissaatigissappagu atorfimmud tassunga kommunip nammineq aningaasartuutigisassaq akilissavaa.

Suliassanik iluarsinerup sapersaatiginagu pitsaassutsikkullu iluseqartumik isumagisinnaanissaanik qularnaarisumik sulisorisat annertussuseqarnissaannik, katitersimanissaannik pisarialittullu piginnaasaqarnissaannik pisinnaasaqarnissaannillu Majoriami sulisut katitersimanerinnut tunngatillugu kommunalbestyrelse isumaginnissaaq, taamaalillutik naammassisassatut anguniakkat tikinneqassammata. Taamaalillutik sulisorisat ilinniagaqarnikkut misilittakkatigullu tunngavigisaat Majoriap suliassaanut anguniagaanullu naleqquttuussapput, taamaalilluni innuttaasunik suliffissaaleqisunik allanillu sulianik isumagisaqarneq sunniuteqarlunilu piginnaaffigisatut ilusilimmik pisinnaassammata. Majoriami sulisorisanik piginnaanngorsaanerinnut neqeroorutit Namminersorlutik Oqartussanik suleqateqarluni pissapput.

Sulisorisat aningaasarsiaannut atorfinitsitaanerannullu atugassarisat pisortat isumaqatigiissutaannit aamma Naalakkersuisut, kommunit aamma isumaqatiginninniarsinnaatitaasunut kattuffiit akornanni isumaqatigiissutini atsiorneqarsimasuni ilaapput.

Sulisunik pisinnaasalinnik atorfinitsitsinissamut tunngatillugu Namminersorlutik Oqartussat isumasioqatigiinnermik ikiorsiinnaapput.

8 Aaqqissuussaaneq

Matumani naammassisassanut isumaqatigiissutikkut Suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, ulloq 9. december 2015-imeersoq najoqqutaralugu suliassamik iluarsiiisalluni kommunalbestyrelse pisussaaffilerpoq. Immikkoortoqarfittut ataasiusutut illoqarfinni ataasiakkaani tamani Majoriamik ataatsimik kommunalbestyrelse pilersitsissaaq, takuuk inatsimmi § 1. Majoriamik aaqqissuussineq kommunalbestyrelsip aalajangiussinerata kingornatigut pissaaq, aammalu suliassanik iluarsiinissamut tulluarnarpaatut ilusilimmik sumiiffimmi pissutsinik sianiginnittuussalluni. Kommunip kissaatigissappagu aaqqissuussinermut tunngatillugu suliarnut tunngasutut isumasioqatigiinnermik Namminersorlutik Oqartussat ikiorsiisinaapput.

Majoriami suliassat assigiinngitsut tamakku aaqqissuussaaneerat aamma timalittut inissisimaffigisaat innuttaasunut paasiuminartuussapput.

Majoriamut illunik atortorissaarutinillu naleqquttunik pissarsiaqarnissamut, taakkulu ingerlatarinerisa aserfallatsaaliugarinerisalu isumaginissaannut kommunalbestyrelse pisussaavoq. Sullivinni isumannaallisaneermut inatsimmi qaqugumulluunniit atuuttutut piumasaqaatinik illut atortorissaarutillu malittarissavaat. Majoriap atugassaaturt illut sapinngisamik illoqarfiit qeqqaniitinniarneqassapput, taamaalilluni kommunimi innuttaasunut Majoriamut attaveqarnissaaq sapinngisamik takusassaallunilu naleqquttuutinneqassammat.

Kommunimi kollegianik ingerlatsinermut nakkutilliisarnermullu kommunalbestyrelse akisussaasuvoq.

9 Aningaasaqarneq

Majoriamik ingerlatsinermut ineriartortitsinermullu aningaasartuutit kommunip akiligassarai. Aningaasaliiffiunera ilaatigut ilitsersuinermut piginnaanngorsaaneermullu tunngasortaanut Namminersorlutik Oqartussanik ingerlatsinermut tapiissutitigut, ilaatigullu assingusumik kommunimit akiliutaasukkut pisarpoq. Aningaasaliissutit ataatsikkut Majoriami ilitsersuinermut piginnaanngorsaaneermullu tunngasortaanut naleqqiullugit suliassamik iluarsiinissamut naammattunik isumalluutunik qularnaarissapput, Majoriami suliffissarsiuussinermut tunngasortaqaq kommunimut tapiissutinit akilerneqassalluni.

Namminersorlutik Oqartussanik Majoriamut tapiissutit ukiukkaartumik agguanneqartassapput. Aningaasanilli agguataarineq pisarnertuulli aningaasaliisarnertigut aningaasaqarneermut inatsisit atuuttut maleruarlugit aamma atuarnut ilinniartunillu kisitsinerit taavalu akissaatit sulinermilu atukkat pillugit isumaqatigiissutit toqqammaviussapput.

Majoriamut namminersuutigisassatut naatsorsuutitut kontoliorneq aqutigalugu kommunip suliassaasa aqutsinerisalu sinnerinut akisussaaffeqartitaanngitsumik kommunalbestyrelse Majoriamik ingerlataqassaaq. Kontomi tassani naatsorsuutitut inissiinerit tamarmik pissapput, aammalu kommunip Namminersorlutik Oqartussanut tunniuttagaanut Majoriamik ingerlatsinermut ukiumoortumik naatsorsuutitut tunngaviussallutik.

Ukiumi naatsorsuiffimmi tulliusumi naatsorsuutit inerner kingusinnerpaamik ull. 1. maajimi nassiutissapput, naatsorsuutillu kingusinnerpaamik 1. oktobarimi. Taakku tamarmik qulinik kisitsitaqartitatut inissisimaffimmi nassiutissapput.

Ukiup siuliani kingusinnerpaamik 15. decembarimi naalackersuisoqarfimmut ukiumut naatsorsuiffimmut takkuttussamut missingersuutinik kommunalbestyrelse nassiussissaaq. Missingersuutit atuutsitaalersinnagit Namminersorlutik Oqartussanit akuerineqassapput.

Suliffeqarfimmut tunngasortaanut namminersuutigisamik missingersuusiamik kommunalbestyrelse tunniussaqaassaaq, tamannalu naammassisassatut isumaqatigiissutip atsiorderani Namminersorlutik Oqartussanut nalunaarutigissavaa.

Kommunalbestyrelse makkununga aningaasaqarnermut akisussaaffeqarpoq:

- Ornigunnikkut ilitsersuisarneq, aamma tamatigoortutut ilitsersuisarneq
- Suliffissarsiuussisarneq
- Paasisaqarniarluni ingerlatat – VM-imik ingerlatat
- Illunik assingusunillu aserfallatsaaliuinerit

10 Ingerlatsinermut tapiissutit

Ukiumoortumik ingerlatsinermut tapiissutaasartut kommunimut Isumaginninnermut, Suliffeqarnermut Nunamullu Namminermut Naalackersuisoqarfikkut Namminersorlutik Oqartussat akiliutigisassavaat.

Ukioq naatsorsuiffik sioqqullugu oktobarip qaammataani kommunimut naatsorsuutigisatut ingerlatsinissamut tapiissutit nalunaarutigineqassapput, imaluunniit ukiumut pineqartumut akuersissutigisatut aningaasanut inatsisip kingornatigut piaarnerpaamik.

Majoriamut ukiumoortumik missingersuummik nalinginnaasumik missingersuutinut ingerlattakkaminut atatillugu kommunalbestyrelse suliaqassaaq. Taanna ukioq missingersuusiorfiusoq sioqqullugu kingusinnerpaamik 15. decembarimi naalackersuisoqarfimmut nassiunneqassaaq. Majoriamut ukiumoortumik naatsorsuutinik nalinginnaasumik naatsorsuusiornermut ingerlattakkaminut atatillugu kommunalbestyrelse suliaqassaaq. Ukiup tulliani kingusinnerpaamik 1. maajimi naalackersuisoqarfimmut naatsorsuutit inerner nassiunneqassapput. Majoriamut naatsorsuutit kingusinnerpaamik 1. oktobarimi nassiunneqassapput.

Ukiut ataasiakkaat tamaasa ulloq 1. februaarimi ingerlatsinermut tapiissutit 70 %-ii akiliutigineqassapput. Ukiumi tassani ulloq 1. oktobarimi sinneri 30 %-it akiliutigineqassapput, tassalu naammassisassatut isumaqatigiissutaasumi isumaqatigiissutigisat malittarineqarsimassappata. Taama pisoqarsimassangippat kommunalbestyrelsimit naammaginarumik nassuiaatip tunniunnissaata tungaanut naalackersuisoqarfiup 20 %-it sinneruttut uninngatissinnaavai. Tamanna pissangippat kommunimut ingerlatsinissamut tapiissutinut 20 %-it sinneruttut taakku naalackersuisoqarfiup akiliutiginsai pinngitsoortissinnaavai. Ingerlatsinermut tapiissutaasut akilerneqarfiannut tamakkiisutut ingerlatsinermut tapiissutit ukioq naatsorsuiffiusoq tamaat matussusiivigissavaat. Ingerlatsinissamut tapiissutinut tunniunneqartunut

aqutsinermut kommunalbestyrelse akisussaasuvoq, aammalu kapitali 6 najoqqutaralugu Namminersorlutik Oqartussanut nalunaaruteqarnissaminut pisussaasuulluni.

Inuussutissarsiutinik ilinniartuutit inuussutissarsiutinik ilinniartuutit attuumassutilittut suliasaanut tunngatillugu Namminersorlutik Oqartussat tapiissutigisaat suliarisanik ilinniartullu amerlassusaannit aalajangerneqartarput, ukiumilu aningaasaliiffiusup siuliani ull. 1. oktobarimi ilinniartut amerlassuserisaat tunngavigalugit ukiumut ataasiartumik ukiumut naatsorsuiffimmut takkuttussamut aalajangerneqartarlutik.

Majoriami inuussutissarsiutinik ilinniagaqarnermut ilitsersuinermit piginnaangorsaaneremullu tunngasortaanut tunngatillugit tapiissutit sinneri tassaapput aalajangersimasutut ingerlatsinermut tapiissutit.

Immikkut ittutut iliuusissat aamma agguassassat

A. Inuusuttut suliffissaaleqinerat malunnaatilimmik annikillineqassaaq/Sannavinnut

Inuusuttuni suliffissaaleqisuni kommunimi amerlassusaasut, aammalu illoqarfinni inuusuttut 30-t inorlugit ukiulinni tamatigoortumik amerlassusaasut aallaavigalugit sannavinni suliffinnillu sungiusarnermik ingerlatani holdinik ilassutaasussanik pilersitsinissap pisariaqarsinnaanera Namminersorlutik Oqartussat naatsorsuutigaat. Ajornangippat pisariaqartitsinerit malillugit ilikkagassani ataasiakkaani atuagarsornertalimmik ilinniartitsinermik holdit ataqatigiisinneqarsinnaapput.

Sumiiffikkaani pisariaqartitsinernik siuliani taaneqartutut nalilersuinerit taakku aallaavigalugit ilassutitut sannavinni suliffinnillu sungiusarnermik ingerlatani aalajangersimatitatut pilersitsillunilu naammassinninnissamut ilassutitut suliniutinut aningaasaliissutinik aamma ilinniartuutigisassanik kommunip qinnuteqarnissaa naatsorsuutigineqarpoq.

Ilkkagassanut ilinniartitsisumut, suliniutinut atortussanut ingerlatsinermullu, kiisalu ilinniartuutigisassanut aningaasaliissutaasut suliniuteqarfiusumut toqqaannartumik tunniunneqassapput, aammalu suliniummut atatillugu aningaasartuutaasut taarsiiviginissaannut akiliutaassallutik. Suliniummut akisussaasoq toqqarneqassaaq, aammalu Isumaginninnermut, Suliffeqarnermut Nunamullu Namminermut Naalackersuisoqarfik peqatigalugu ingerlanneqartuutimik akiligassanik isumannaarfigineqartassalluni.

Suliniummut aningaasaliissutit akuerineqartut ilinniartuutigisassallu Isumaginninnermut, Suliffeqarnermut Nunamullu Namminermut Naalackersuisoqarfilla isumannaarfigineqartassapput.

B. 15-18-inik ukiulinnut iliuuserisat/Atuagarsornertaqanngitsumik ingerlatat

2013-imi ukiut sisamat ingerlaneranni 15-18-inik ukiulinnut immikkut ittumik iliuuserisaq Namminersorlutik Oqartussat aallartisarpaat. Minnerpaamik qaammatinik pingasunik sivissuseqartumik ukiumoortumik peqataasunut 20-nut sumiiffigisamut naleqqussakkamik ingerlatap 'atuagarsornertaqanngitsup' ingerlanneqarnissaanut aningaasaliissuteqartarnerup nanginnissaa Isumaginninnermut, Suliffeqarnermut Nunamullu Namminermut Naalackersuisoqarfiup aalajangiussimavaa. Ingerlatamut tassunga ukiumoortumik 660.000 kr.-nik aningaasaliissuteqartoqarpoq. Ilinniartunut tapiisarnerit immikkut ittumik akiliutigineqartassapput.

Aningaasaliissutit ingerlatap naammassereernerani nuunneqassapput.

C. Nunaqarfinni ilitsersuineq

Inuusuttunik 15-29-nik ukiulinni qulit sinnerlugit najugaqartuuffilinni nunaqarfinni tamani 'ikaarsaariarfimmi ilitsersuinerit' naammassineqassapput. Nunaqarfinni 15-29-nik ukiulinnik taakkunani inuusuttut qulit inorlugit najugaqartulinni nunaqarfinni ilitsuisarneq nunaqarfimmi qaninnerpaami, illoqarfimmi qaninnerpaami, oqarasuaatikkut imaluunniit internet-ikkut pisassasoq Majoriaq naliliisaaq.

Angalanermut najugaqarnermullu aningaasartuutit, kiisalu paasisitsiniaanermut atortussat matussusernissaanut nunamut tamarmut agguaassassa ukiumoortumik 600.000 kr.-upput. Nunaqarfinnut tikeraarnissamat missingersuusiukkatut qinnuteqaat kommunalbestyrelsip Namminersorlutik Oqartussanut nassiutissavaa.

D. Ineriartortitsinissamat agguaassassat

Majoriami suliniutinut aningaasaliissutit qinnutigineqarsinnaapput.

Nunamut tamarmut agguaassassat tassaapput ukiumoortumik 2.000.000 kr., qinnuteqarnerullu kingornatigut aningaasaliisoqartarpoq.

11 Nakkutilliineq

Naammassisassatut isumaqatigiissutip malittarineqarneranik, suliassallu iluarsiviginerannik nakkutilliinissamat Namminersorlutik Oqartussat qaqugullukkuunniit pisinnaatitaaffeqarlutillu pisussaaffeqarput.

Namminersorlutik Oqartussat nakkutilliinerat marloqiusamik siunertaqarpoq: Ilaatigut akuttoqatigiiaartumik nalunaaruteqartarnerit aamma IT-mik sakkussat atorlugit nalunaarsuisarnerit suliaqarfigalugit malittarineri, aammalu naammissisassatut isumaqatigiissummik naapertuisumik sumiiffiusuni ingerlatsinerit ineriartortitsinerillu pisarnissaannik qularnaarinerit, ilaatigullu pisariaqartinneqassappat sulianut tunngasutut ikiorsiinerimik, isumasioqateqarnermik ilitsersuinermillu ikiorsiinarluni kommunilu oqaloqateqarneq.

Aningaasaliissutaasutut ingerlatsinissamik tapiissutit, kiisalu ilinniartunut tapiissutit akuersissutaasut atornerinik Isumaginninnermut, Suliffeqarnermut Nunamullu Namminermut Naalackersuisoqarfik nakkutilliisuvoq.

Aningaasaliissutaasumut naleqqiullugu siunertanut allanut ingerlatsinermut tapiissutit aamma ilinniartunut tapiissutit atornerqartut paasineqassappat ingerlatsinermut tapiissutit kiisalu ilinniartunut tapiissutit akiliutigineri Isumaginninnermut, Suliffeqarnermut Nunamullu Namminermut Naalackersuisoqarfiup unitsissinnaavai, aammalu ingerlatsinermut tapiissutit akiliutaasut tamakkiisumik imaluunniit ilaannakortumik utertillugit akiliutiginnissaat piumasaqaatigisinnaallugu.

12 Akerleriissutaasut, pisussaaffimmik sumiginnaaneq aamma kalerriisarneq

Isumaqatigiissut manna tassaavoq toqqammavissiisutut isumaqatigiissut. Isumaqatigiissummik paasisaqartarneq pillugu isumaqatigiinnginneq pinngussappat illua'tungeriit isumaqatiginninniarnaq aqqutigalugu isumaqatiginninniassapput. Illua'tungeriit tamarmik isumaqatiginninniarususseqassanerat tungavineqarpoq.

Isumaqatigiissummik matuminnga Namminersorlutik oqartussat sumiginnaassappata qaammatinik arfinilinnik sioqqutsisumik kalerriissuteqarluni kommunalbestyrelsip isumaqatigiissut atorunnaarsissinnaavaa. Tamanna sioqqullugu isumaqatigiissutip atorunnaarsinnissaanik kommunalbestyrelsip kissaateqarnera pillugu Namminersorlutik Oqartussat allaganngorlugu kalerriissummik pissarsiaqarsimassapput, aammalu minnerpaamik qaammammik ataatsimik piffissalikkamik isumaqatigiinngissutaasup suussusaa apeqqutaatillugu isumaqatigiinngissutaasinnaasut qanoq ilillutik iluarsivigineqarsinnaanerini siunnersuummik pissarsissallutik. Ukiumut naatsorsuiffimmut takkuttussamut tapiissutissat inaarutaasutut nalunaarutigineranni nalunaarutaagallartumut naleqqiullugu annertuumik allannguuteqartoqassappat ukiup naatsorsuiffiup taassuma iluani isumaqatigiissut kommunip atorunnaarsissinnaassavaa.

Isumaqatigiissummi, imaluunniit tassunga ilanngussani nalunaarsukkatut suliassanik isumaginninnermik kommunalbestyrelse sumiginnaassappat, ilanngullugulu nalunaaruteqartarnermut pisussaaffigisamik malittarinninngippat qaammatinik arfinilinnik sioqqutsisumik kalerriissuteqarluni Namminersorlutik Oqartussat isumaqatigiissut atorunnaarsissinnaavaat. Tamanna sioqqullugu isumaqatigiissutip atorunnaarsinnissaanik Namminersorlutik Oqartussat kissaateqarnerat pillugu kommunalbestyrelse allaganngorlugu kalerriissummik pissarsiaqarsimassaaq, aammalu Namminersorlutik Oqartussat tamatumunnga erseqqinnerusumik tungavissiissummik tunniussaqaassapput, kiisalu minnerpaamik qaammammik ataatsimik piffissalikkamik isumaqatigiinngissutaasup suussusaa apeqqutaatillugu isumaqatigiinngissutaasinnaasut qanoq ilillutik iluarsivigineqarsinnaanerini siunnersuummik nassiussaqaassallutik. Killissaliussap qaangiunnerata kingornatigut Namminersorlutik Oqartussat suli isumaqatigiissummik atorunnaarsitsiniassappata tamanna pillugu qaammatinik arfinilinnik kalerriinertalerlugu isumaqatigiissutip atorunnaarsinniarnanik Namminersorlutik Oqartussat kommunalbestyrelsimut nalunaarummik nassiussaqaassapput.

Isumaqatigiissutigisatut suliassanik taakkuninnga kommunalbestyrelse suliaqarsinnaanngiffianik pisoqarfimmik pinngortoqassappat, imaluunniit isumaqatigiissutigisatut naammassisassatut anguniakkat piviusunngortissinnaanngippagit tamanna pillugu kommune erniinnaartumik Namminersorlutik Oqartussanut nalunaaruteqarnissaminut pisussaaffeqarpoq. Ajornartorsiutaamut tungaviusumik iternga tikillugu nassuiaateqartoqassaaq, kiisalu pisoqarneranut kommune nammineq iluarsiinissamut siunnersuuteqassalluni. Aamma qanoq ililluni kommunip suliassanik iluarsiniarnanik siunissamullu anguniagaasut anguniarnerini iternga tikillugu nassuiarneqassapput. Naammassisassatut anguniakkat uterneqartuutim anguneqannginneri, imaluunniit tamakkuninnga malitseqartitsinerit amigaatigineri annertuutut sumiginnaanertut isigineqassapput, taamatuttaarlu suliaqarfiussallutik.

Naammassisassatut isumaqatigiissummi matumani nassuiarneqartutut Majoriami suliassat Naalackersuisunit akuerineqartinnatik suliarinnittussarsiutitigineqaqqusaanngillat, allatulluunniit isumaqatigiissutip avataaniittumit, namminersortutut suliaqartuusumit isumagineqaqqusaanatik.

Suliaqartumut allamat Majoriami suliassaq ataaseq imaluunniit amerlanerit tunniunneqarnissaanik/suliarinnittussarsiuutiginnissaanik kommunalbestyrelse kissaateqassappat suliassap tunniunneqarnera/suliarinnittussarsiuutigineri sioqqullugu tamatumunnga Namminersorlutik Oqartussani akuersissummik pissarsiniartoqassaaq.

13 Atortuulerfia, piffissaq atuuffia, isumaqatigiinniaqqittarneq aamma atorunnaarsitsisarneq

Isumaqatigiissut manna ullormit 1. januaari 2022-mit atuutilerpoq, atuuffigaalu piffissaq 1. januaari 2022-31. decembari 2024.

Isumaqatigiissummut matumunnga naleqqiullugu isumaqatigiissuteqarfittut piffissap iluani annertuunik allannguutit pissappata isumaqatigiissutip isumaqatiginninniutigeqqinnissaanik qaammatinik pingasunik killiliiffigisamik illua'tungeriit ataasiakkaat tamarmik piumasaaateqarsinnaapput. Isumaqatigiissutip isumaqatigiinniutigineqaqqissinnaanerata kingunerinngilaa isumaqatigiissummik unioqqutitsinerit tunngavigalugit suliassanngortitsisinnaanerup killilerneqarnissaa, takuuk imm. 11.

Minnerpaamik qaammatit arfinillit sioqqullugit kalerriutigalugu isumaqatigiissut illua'tungeriinnit tamanit atorunnaarsinneqarsinnaavoq. Isumaqatigiissut atorunnaarsinneqassappat isumaqatigiissummik matuminnga atsiugaqarneq sioqqullugu aningaasartuutininik agguataarinissamut tunngavigisatut atuuttut ilaatillugit inuussutissarsiutinik ilinniagaqartitsinerimut tunngasutut suliassanik tamakkuninnga Namminersorlutik Oqartussat isumaginnittuusussatut pisussaaffilerneqassapput.

2022-mi Majoriamut tapiissutit pillugit Kommune Qeqertalik aamma Namminersorlutik Oqartussat akornanni isumaqatigiissutitut 2023-mi Majoriamut tapiissutit pillugit Kommune Qeqertalik aamma Namminersorlutik Oqartussat akornanni isumaqatigiissummi aningaasat katillugit (7.589.762 kroner) minnerpaamik naligilinngippagit, 2023-mut isumaqatigiissummi matumani illua'tungeriit imminnut pisussaaffii atorunnaassapput.

2022-mi Majoriamut tapiissutit pillugit Kommune Qeqertalik aamma Namminersorlutik Oqartussat akornanni isumaqatigiissutitut 2024-mi Majoriamut tapiissutit pillugit Kommune Qeqertalik aamma Namminersorlutik Oqartussat akornanni isumaqatigiissummi aningaasat katillugit (7.589.762 kroner) minnerpaamik naligilinngippagit, 2024-mut isumaqatigiissummi matumani illua'tungeriit imminnut pisussaaffii atorunnaassapput.

Namminersorlutik Oqartussanut



Kommune Qeqertalik



Inatsisinut tunngasutut toqqammavigisat

Majoriami sularisanut qaqugukkulluunniit atuuttut inatsisitigut tunngatillugit toqqammaviusut malittarineqartuartaappaat. Isumaqtigiissutip atsiornarani inatsisinut tunngasutut toqqammavigisat tassaapput:

- Inatsisartut inatsisaat nr. 28 ulloq 9. december 2015 *Suliffissanut, Iltersuisarnernut Pikkorissaqqinnernullu qitiusumik ingerlatsiviit* pillugit.
- Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27, 30. oktober 1992-imeersoq
- Kalaallit Nunaannut suliffissarsiortut killilersimaarnissaat pillugu Inatsisartut inatsisaata allannguuteqartinneqarnera pillugu Inatsisartut inatsisaat nr. 27, 9 december 2015. (Sulisitsisut suliffissanut nittartakkamik atuinissaat)
- Kalaallit Nunaannut suliffissarsiortut killilersimaarneqarnissaat pillugu Inatsisartut inatsisaata allanngortinneqarneranik Inatsisartut inatsisaat nr. 23, 28. november 2016-imeersoq (Atuuffia aamma ilinniakkat allat, nalunaarusiortarneq il.il.)
- Kalaallit Nunaannut suliffissarsiortut killilersimaarnissaat pillugu Inatsisartut inatsisaata allanngortinneqarnera pillugu Inatsisartut inatsisaat nr. 22, 13. november 2017-imeersoq (Aalajangiinissamut killigitat)
- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq
- Suliffeqarnermi innersuussisarneq il.il. pillugit Inatsisartut inatsisaata nr. 5, 8. juni 2014-imeersup allannguuteqartinnaa pillugu Inatsisartut inatsisaat nr. 6, 3. juni 2015-imeersoq (Suliffinnut nittartakkap atornerarnera)
- Suliffeqarnermi innersuussisarneq il.il. pillugit Inatsisartut inatsisaata allannguuteqartinneqarnera pillugu Inatsisartut inatsisaat nr. 32, 9. december 2015-imeersoq (Nuttarnerulersitsinissamut ikiorsiissutit atornerarnerulernissaat)
- Ilinniartunut tapiisarneq pillugu Inatsisartut inatsisaat nr. 45, 23. november 2017-imeersoq
- Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq (taasumalu ataaniinatsimmut aallannguut atuutilertussa 1. januar 2022: "*Ilinniartitaanermut inuussutissarsiutinillu siunnersuisarneq pillugu Inatsisartut inatsisaata allanngortinneqarnera pillugu Inatsisartut inatsisaat (Nuna tamakkerlugu iltersuisarnermi iliuusissanik periusissiornerup ilanngunneqarnera aamma naammassinninnissamut ikaarsaariarnissamullu siunnersuinerumut piumasaqaatip ikkunneqarnera)*")
- Ilinniartitaanernut Inuussutissarsiutinullu siunnersuisarneq pillugu Inatsisartut inatsisaannik allannguneq pillugu Inatsisartut inatsisissaattut siunnersuut nr. 12, 27. november 2018-imeersoq (Ilinniagaqartunik tarnikkut isumaginninnikkullu siunnersuisarneq pillugu ilassut, iltersuisarnerup ilaatut, aamma Siunnersuisarnerumut Siunnersuisoqatigiit katitsigaanerat pillugu allannguut, aamma

kalaallisuuani iluarsiiisutit § 11, imm. 2, § 12, stk. 1, § 12, imm. 2, oqaaseqatigiit aappaat, aamma § 25 inatsisip kalaallisut oqaaseqaataani.)

- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq
- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allanngortinneqarneranik Inatsisartut inatsisaat nr. 6, 6 juni 2016-imeersoq (Ilinniarnernik piginnaasalissutaasunillu ingerlatsinernik allanik neqerooruteqarsinnaanermut tunngavissineq, lærlinginut isumaqatigiissuteqarsinnaanermut immikkut periarfissineq, atuarfinni sulilluni sungiusarnernut, ileqqoreqqusanut il.il. tunngasunik aalajangersakkanik erseqqissaaneq kiisalu Oqaatsinik Pikkorissarfik pillugu Inatsisartut inatsisaannik atorunnaarsitsineq)
- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaata allanngortinneqarnera pillugu Inatsisartut inatsisaat nr. 15, 12. juni 2019-imeersoq (Ingerlaqqilluni ilinniarnernik neqerooruteqartarneq pillugu aalajangersakkap atorunnaarsinneqarnera)
- Suliffeerunnermi ikiorsiisutit pillugit inatsisartut inatsisaat nr. 2, 15. maj 2014-imeersoq
- Piginnaangorsaaqqinnissamut ikiorsiisarneq pillugu Inatsisartut peqqussutaat nr. 4, 31. maj 2001-imeersoq, kiisalu Inatsisartut peqqussutaat nr. 3, 1. juni 2006-imeersoq piginnaangorsaaqqiinerimi ikiorsiisutitut peqqussummik allanngoneq pillugu.
- Piginnaangorsaaqqinnissamut ikiorsiisarneq pillugu Inatsisartut peqqussutaat nr. 4, 31. maj 2001-imeersoq
- Piginnaangorsaaqqinnissamut ikiorsiisarneq pillugu Inatsisartut peqqussutaata allanngortinneqarneranik Inatsisartut inatsisaat nr. 10, 1. juni 2017-imeersoq (Qulaajaaniarluni ingerlassaq, eqaannerusumik suliffeqarneq, aamma aningaasarsianut tapiisutit)
- Pisortat ingerlatsineranni suliasat suliarineqartarnerat pillugu Inatsisartut inatsisaat nr. 8, 13. juni 1994-imeersoq
- Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq Naalakkersuisunit akuerineqartutut ukiumoortumik aningaasanut inatsit
- Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq
- Suliffissaaleqisunik sulilersitsiniarneq pillugu Inatsisartut peqqussutaat nr. 14, 12. november 2001-imeersoq
- Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliaartortartunut tunngasunik kommunalbestyrelsit paasissutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq
- Kommunini suliffissarsiuussisarneq suliffissarsiortullu killilersimaarneqarnissaat il.il. pillugit Namminersornerullutik Oqartussat Nalunaarutaat nr. 40 18. september 1990-imeersoq
- Kalaallit Nunaanni suliffissarsiortut killilersimaarnissaat pillugu Namminersornerullutik Oqartussat Nalunaarutaat nr. 24, 26. august 1993-imeersoq

- Kommunini suliffissaqartitsiniutinut tapiissutit pillugit Namminersornerullutik Oqartussat nalunaarutaat nr. 42, 28. september 1994-imeersoq
- Suliffeqarfimmi piginnaanngorsaaqqinnermi akissarsianut tapiissutit, piginnaanngorsaaqqinnermut pilersaarut, piginnaanngorsaaqqinnermi ikiorsiissutit aamma eqaannerusumik suliffeqarnej pillugit Namminersornerullutik Oqartussat nalunaarutaat nr. 40, 13. december 2001-imeersoq
- Nuttarnerulersitsiniarluni tapiissutit pillugit Namminersornerullutik Oqartussat nalunaarutaat nr. 24, 25. august 2008-meersoq
- Inuussutissarsiutinut pikkorissartitsisarnernut tapiissutit pillugit Namminersornerullutik Oqartussat nalunaarutaat nr. 21, 1. juli 2008-imeersoq
- Karakteriliisarnermi tulleriinnilersuineq allatullu naliliisarnej pillugit Namminersornerullutik Oqartussat nalunaarutaat nr. 14, 23. juni 2008-imeersoq
- Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliarortartunut tunngasunik kommunalbestyrelsit paasisutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq
- Ilinniartut sungiusartullu atorfinitsinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. 17, 27. november 2020-imeersoq
- Inuussutissariornermut, Suliffeqarnermut Nunamullu Namminermut Tunngassutilinnut Naalakkersuisoqarfimmut nalunaarsuisarnermut ileqqussaq.

Ilanngussaq: Najoqqutassiaq: Naammassisassatut isumaqatigiisummut malitseqartitsineq

Ilanngussaq: Punkt A-mut qinnuteqarnermut immersuiffik

Majoriamut tapiissutinik isumaqatigiissut